

## Gwneud eich safle yn fwy hygyrch i bobl sy'n byw gyda dementia

Mae llawer o bobl sy'n byw gyda dementia a'u teuluoedd, sy'n mwynhau natur a'r awyr agored, yn dweud wrthym eu bod am wybod am brofiadau a fydd yn hygyrch iddyn nhw. Maen nhw eisiau gwybod a yw lle yn 'iawn' iddyn nhw, o ganolfan ymwelwyr â chyfleusterau i brofiad mwy anghysbell heb ddim darpariaeth. Nid yw diagnosis o ddementia o reidrwydd yn golygu bod angen i rywun gael llawer iawn o addasiadau ar safle, ond mae pobl yn dweud wrthym fod gwybodaeth yn allweddol.

Bydd pob un o safleoedd Twyni ar Symud yn wahanol o ran hygyrchedd. Yr her yw sut i ddarparu gwybodaeth **ar-lein**, gyda **deunyddiau copi caled** y gellir eu harddangos (cardiau, taflenni, poster) ac **ar y safle** (arwyddion, byrddau gwybodaeth).

Bydd pobl yn aml yn asesu eu risg eu hunain a beth sydd ei angen arnynt i deimlo'n ddiogel. Er mwyn i ymwelwyr deimlo'n barod, yn wybodus ac yn hyderus a theimlo bod croeso iddynt, o ran eu cynllunio a phan fyddant yn ymweld, awgrymwn y dylid darparu:

- Rhai darnau allweddol o wybodaeth
- Dewis o brofiadau
- Gwybodaeth gryno

## Cyn ymweld

Mae'r ystadegau hyn gan Euan's Guide, The Access Survey 2018, yn dangos pa mor bwysig yw darparu gwybodaeth i ymwelwyr sydd â gofynion mynediad cyn ymweld â safle.

*'Mae 95% o ymwelwyr yn chwilio am wybodaeth am hygyrchedd cyn penderfynu ymweld. Mae 83% yn fwy tebygol o ymweld â rhywle newydd os gallant ddod o hyd i wybodaeth am hygyrchedd ymlaen llaw.'*

## Gwybodaeth am hygyrchedd:

- Bydd gan bob sefydliad ei asesiadau risg, ei bolisiâu a'i ganllawiau ei hun. Gwiriwch y **canllaw hygyrchedd** yn eich lleoliad chi. A yw'n cynnwys ystyriaethau sy'n benodol i ddementia mewn perthynas â'r synhwyr, er enghraifft heriau yn ymwneud â golau, sŵn a chanfyddiad gweledol? Mae angen ystyried hefyd sut mae pobl yn prosesu gwybodaeth.
- Ni allwn ddyfalu beth allai'r ystyriaethau hyn fod. O ymgynghori â phobl sydd â phrofiad o fyw gyda dementia cawn wybodaeth ar gyfer proses archwilio. Gall hyn arwain a chefnogi rheolwyr safleoedd i wneud penderfyniadau yn ogystal ag ymgorffori perchnogaeth yn y broses – **gweler Taflen Ffeithiau'r Pecyn Cymorth – Cysylltu â grwpiau lleol.**

**Rhestr wirio o adnoddau i asesu hygyrchedd a phrofiad ymwelwyr** - mae'r rhestrau gwirio hyn yn ddefnyddiol ar gyfer safleoedd bach yn ogystal â safleoedd mwy ble mae canolfan ymwelwyr a chyfleusterau.

- **DEEP - Is this INSIDE public space dementia inclusive?** Rhestr wirio ar gyfer grwpiau dementia y gellir ei defnyddio gyda rheolwyr safleoedd
- **DEEP - Is this OUTSIDE space dementia inclusive?** – fel uchod ar gyfer llefydd tu allan
- **Cymdeithas Alzheimer - Dementia Friendly Environment Checklist** – ar gyfer llefydd dan do ond hefyd yn dda ar gyfer arwyddion, toiledau, seddi y tu allan.
- **Visit Britain - Create an Accessibility Guide (yn dilyn canllawiau ar gyfer NASC – National Accessible Standards Scheme)**

- Visit Britain - [Dementia Friendly tourism guide for businesses](#)

## Gwybodaeth am hygyrchedd - Gwefan a chynnwys digidol

- Pa mor **hawdd** yw dod o hyd i wybodaeth am hygyrchedd ar eich gwefan?
- Allwch chi ddefnyddio **lluniau a fideos** i roi gwybodaeth yn ogystal â disgrifiad ysgrifenedig? Gall hyn ein helpu i ddeall yn weledol sut mae'r cyfleusterau, er enghraifft y fynedfa a'r lle parcio. Os yw'r cyfleusterau hyn ar gael mae hefyd yn ddefnyddiol iawn dangos hygyrchedd y toiledau, arwyddion, caffî, grisiau, llwybrau a seddi.
- **Enw a rhif cyswllt** – Nid oes modd i ganllawiau hygyrchedd gynnwys pob un ymholiad am hygyrchedd. Weithiau mae angen i bobl siarad â rhywun. Lle bo modd, rhwch enw cyswllt penodol, rhywun sy'n gallu ymateb yn bersonol i alwadau ac e-byst.
- **Ystyriwch sut rydyn ni'n 'enwi' neu'n cyfeirio at bobl ag anghenion ychwanegol** – mae'r geiriau a ddefnyddiwn yn bwysig o ran normaleiddio profiadau i bawb.
- I gael arweiniad ar gynnwys, cynllun a defnydd delweddu ar gyfer gwefan a deunyddiau digidol eraill, gofynnwch i'ch grŵp ffocws beth sy'n gweithio iddyn nhw - **gweler hefyd:**

**Adnoddau: Canllawiau gan DEEP – Rhwydwaith lleisiau dementia y DU:**

- [Dementia Words Matter – Guidelines on language about dementia](#)
- [Writing accessible dementia friendly information](#)
- [Writing accessible websites](#)

## Gwybodaeth am hygyrchedd - Ddim yn ddigidol

Yn eich ardal chi:

- Gofynnwch sut mae pobl yn cael gwybod am ddigwyddiadau neu wybodaeth.
- Ystyriwch gynnwys print ar gyfer cylchlythyrau a chylchgronau lleol.
- Edrychwch ar opsiynau ar gyfer posteri neu gardiau i'w codi ar gyfer byrddau gwybodaeth, llyfrgelloedd, meddygfeydd teulu a chanolfannau meddygol, grwpiau cymorth i ofalwyr, caffis.
- Defnyddiwch negeseuon clir a chyfeillgar fel 'Croeso i bawb' neu 'Fe wnawn ni bopeth o fewn ein gallu i'ch cefnogi i gymryd rhan - gofynnwch i'r person sydd wedi'i enwi'.

## Eich ymwybyddiaeth eich hun o ddementia

- Gwrandewch ar brofiadau personol wrth ddatblygu'ch ymwybyddiaeth – gwrandewch ar [Dementia Diaries](#) (dyddiaduron sain byr) i glywed lleisiau pobl sy'n byw gyda dementia yn siarad am eu profiadau. Gallwch chwilio am bynciau fel natur, awyr agored, lles, hygyrchedd
- Person yn gyntaf - Er ei bod yn bwysig bod â dealltwriaeth o rai o'r anghenion gwahanol ac unigryw sy'n gysylltiedig â dementia, dylech ddeall mai'r unigolyn sy'n dod yn gyntaf.

**Hyfforddiant ar gyfer staff a gwirfoddolwyr**

- Gweler Dementia Adventure i gael [Hyfforddiant Sgiliau Dementia](#) am ddim ar ymwybyddiaeth dementia a chreu profiadau awyr agored.
- Gweler Cymdeithas Alzheimer am sesiynau byrrach ar ymwybyddiaeth dementia, [Dementia Friends](#)

## Ystyriaethau penodol i'r safle:






Mae pob lleoliad yn unigryw. Efallai na fydd yn bosibl i leoliad fod yn gwbl hygyrch (ac nid oes angen iddo fod bob amser). Weithiau gall newidiadau bach wneud gwahaniaeth mawr i alluogi pobl i ddefnyddio safle yn fwy annibynnol. Yn aml gall bod yn annibynnol gynyddu'r pleser yn ein profiadau.

## Ar y safle:

Ystyriwch y canlynol - ond gweler y **Rhestr Wirio o Adnoddau** ar dudalen 1 i gael rhagor o fanylion:

- Beth yw fy mhrofiad wrth gyrraedd?
- Pa mor hawdd yw hi i mi ddod o hyd i'r ffordd?
- Pa mor hawdd yw darllen yr arwyddion i'r lle parcio, i'r fynedfa ac i'r ardal ymwelwyr er mwyn i mi wneud fy ffordd yno ac yn ôl?
- Os caiff arwyddbyst eu defnyddio ar lwybrau, a oes digon i leddfu fy mhryderon y bydda i'n drysu neu'n mynd ar goll?
- Sut caiff y pellteroedd eu nodi? Ydyn nhw'n dangos amser yn ogystal â phellter?
- Os nad oes toiledau, pa mor bell yw'r toiledau cyhoeddus agosaf?
- A oes manau tawel i eistedd ac ymlacio?
- A oes adegau tawelach o'r dydd neu'r wythnos i ymweld er mwyn osgoi torfeydd?
- A yw'r gwahanol arwynebau ar y llwybrau wedi'u nodi ar ganllaw o'r safle?
- A oes gwybodaeth am bethau i'w gweld ac i'w gwneud heb arweiniad, sy'n newid gyda phob tymor?
- Pa fath o brofiad natur a synhwyrdd allwn i ei gael wrth gyrraedd, o fewn pellter cerdded 5-10 munud, 20-30 munud ac ymhellach? Gweler [Making walks sensory www.sense.org.uk](http://www.sense.org.uk)
- A oes tâl ar gyfer mynediad i'r lleoliad neu i ymuno â gweithgaredd? A oes gostyngiadau i ofalwyr neu fynediad am ddim i'r rhai sydd mewn rolau gofalu?

## Yr adnoddau allweddol y cyfeirir atynt yn y daflen ffeithiau hon:

 <p><b>DEEP</b> – Rhwydwaith Lleisiau Dementia y DU <u><a href="#">Dementia words matter: Guidelines on language about dementia</a></u></p>	 <p><b>DEEP</b> – Rhwydwaith Lleisiau Dementia y DU - <u><a href="http://www.dementivoices.org">www.dementivoices.org</a></u> <u><a href="#">Auditing inside &amp; outside public spaces</a></u></p>	 <p><b>Cymdeithas Alzheimer</b> – <u><a href="#">Dementia Friendly Environment Checklist</a></u></p>
 <p>Visit England, Visit Scotland <u><a href="#">Dementia Friendly Tourism Guide</a></u></p>	 <p><u><a href="http://www.sense.org.uk">Making walks sensory www.sense.org.uk</a></u> Defnyddio'r synhwyrddau i ddod i gysylltiad â beth sydd o'ch cwmpas.</p>	Map ar gyfer lleoliadau toiledau hygyrch gydag allwedd Radar – <u><a href="http://www.toiletmap.org.uk">www.toiletmap.org.uk</a></u>

**Gweler hefyd:** Dementia Awareness Toolkit – Contacting Local Groups, i'w lwytho i lawr o <https://dynamicdunesapes.co.uk/get-involved/site-managers/>  
Cynhyrchwyd yr adnodd hwn gan [Dementia Adventure](#) a [Twyni ar Symud](#).

